



Broj: 148/21
Datum: 16.07.2021. godine

Na osnovu člana 15 Statuta Razvojno-garantnog fonda Brčko distrikta BiH, broj: 105/10 od 03.08.2010. godine, broj 235-2/12 od 19.10.2012. godine, broj 110-3/18-015-1/19 od 15.01.2019. godine, broj 116-1/19 od 04.07.2019. godine i broj 078-1/21 od 11.03.2021. godine, Upravni odbor Razvojno-garantnog fonda Brčko distrikta BiH na 105. sjednici, održanoj 16.07.2021. godine, donosi:

PRAVILNIK

o izmjenama i dopunama Pravilnika o platama i naknadama Razvojno-garantnog fonda Brčko distrikta BiH

Član 1

U članu 4 stav (2) se mijenja glasi:

"(2) Osnovica za obračun plate zaposlenika u "RGFBD" je visina osnovice koju odlukom utvrđuje Skupština Brčko distrikta BiH za svaku fiskalnu godinu."

Stav (3) se mijenja i glasi:

"(3) Osnovica za obračun plate primjenjuje se u skladu sa primjenom osnovice koju odlukom utvrdi Skupština Brčko distrikta BiH za svaku fiskalnu godinu."

Stav (4) se briše.

Član 2

Poglavlje IV. se briše, dosadašnja poglavlja V., VI., VII. i VIII. postaju poglavlja IV., V., VI. i VII., a dosadašnji članovi 19, 20, 21, 22, 23, 24, 25, 26, 27 i 28 postaju članovi 7, 8, 9, 10, 11, 12, 13, 14, 15 i 16.

Član 3

Naziv poglavlja V. koje je sada poglavlje IV. se mijenja i glasi:

"DODACI NA PLATU, NAKNADE, DRUGA PRIMANJA PO OSNOVU RADA I POMOĆI"

Član 4

U članu 19, koji je sada član 7, stav (2) se mijenja i glasi:

(2) Zaposlenici imaju pravo na uvećanje plate u slučajevima i u visini minimalnog iznosa predviđenog članom 91 stav (1) Zakona o radu Brčko distrikta BiH.

Član 5

Član 22, koji je sada član 10, se mijenja i glasi:

„(1) Zaposlenik koji je sa „RGFBD“ zaključio ugovor o radu na neodređeno vrijeme, a kojem „RGFBD“ otkazuje ugovor o radu nakon najmanje dvije godine neprekidnog rada u „RGFBD“, osim ako se ugovor otkazuje zbog kršenja obaveze iz radnog odnosa ili zbog neispunjavanja obaveza iz ugovora o radu od strane zaposlenika, ima pravo na otpremninu u visini od 1/3 prosječne mjesečne plate isplaćene zaposleniku u posljednja tri mjeseca prije prestanka ugovora o radu, za svaku navršenu godinu rada kod tog poslodavca.

(2) Zaposlenik koji je stekao uslove za odlazak u penziju ostvaruje pravo na otpremninu u visini trostrukog iznosa posljednje isplaćene mjesečne bruto plate zaposlenog ili trostrukom iznosu prosječne isplaćene mjesečne bruto plate budžetskih korisnika, u mjesecu koji prethodi mjesecu odlaska zaposlenog u penziju, ukoliko je to za njega povoljnije;

(3) Ako poslodavac zbog ekonomskih razloga, promijenjene organizacije i tehnologije rada i poslovanja, zaposlenika, kome su prava i obaveze iz radnog odnosa mirovale u slučajevima predviđenim Pravilnikom o radu zaposlenika Razvojno-garantnog fonda Brčko distrikta BiH i Zakonom o radu Brčko distrikta BiH, ne može vratiti na raniji ili drugi odgovarajući posao, otkazuje mu ugovor o radu i isplaćuje mu otpremninu u skladu sa stavom (1) ovog člana.

(4) Zaposlenik ima pravo na otpremninu i u ostalim slučajevima predviđenim Zakonom o radu Brčko distrikta BiH.

(5) Način, uslovi i rokovi isplate otpremnine, odnosno naknade iz stavova 1 i 5 ovog člana, utvrđuju se pisanim ugovorom između radnika i poslodavca."

Član 6

Iza člana 22, koji je sada član 10, dodaje se novi član 10a koji glasi:

Član 10a (Topli obrok)

- (1) Zaposlenik ima pravo na troškove jednog toplog obroka za vrijeme jednog radnog dana, kao i u slučaju obavljanja prekovremenog rada dužeg od tri sata dnevno, u visini koja će se isplaćivati u organima uprave Brčko distrikta BiH.
- (2) Isplata toplog obroka iz prethodnog stava počinje od dana početka isplate zaposlenima u organima uprave Brčko distrikta BiH.

Član 7

U članu 23, koji je sada član 11, stav (1), u tačkama a), b) i c), riječi: „organima uprave“, zamjenjuje se riječima: „Razvojno-garantnom fondu“.

Član 8

Ovaj Pravilnik stupa na snagu narednog dana od dana objavljivanja na oglasnoj tabli „RGFBD“ i na Web stranici Razvojno-garantnog fonda Brčko distrikta BiH.

Dostavljeno:

1. Pravobranilaštvo Brčko distrikta BiH,
2. Evidencija,
3. Arhiva.



Predsjednik
Upravnog odbora

Miralem Kovačević, dipl.oec